

历代名臣传



历代名臣传

歷代名臣傳序



名臣傳始漢留侯迄元董搏霄凡二日
有奇或曰人才莫盛於虞周五臣十亂
盡之矣是禹啟間類皆先代之臣殷伊
尹仲虺伊陟臣扈巫咸甘盤傳說外他
無聞焉今編名臣若干毋乃濫乎曰必

如臯夔伊傅周召而後謂之名臣則得
與斯選者幾何且取法乎上僅得乎中
集中所載皆上法古人而卓自樹立者
也孟子曰有安社稷臣者有大人者有
天民者如汲長孺魏文貞者非所謂社
稷臣乎漢之武侯唐之宣公宋之韓范

司馬第其品在天民大人之間歟或謂
武侯宣公韓范司馬之有功聖道者不
少何以不列於名儒曰天生聖賢以為
天下未有功名不本於道德亦未有道
德而不黻為功名者不幸而著書育才
以守先待後非得已也程朱之不為名

臣有以夫是故有堯舜而後有五臣有
文王武王而後有十亂漢唐以下遭際
不同聲績亦異總其要歸多由元首我

皇上嘗訓廷臣謂非臯夔稷契成堯舜堯舜
實成臯夔稷契吾君臣其交勉之恭繹

聖言夙夜警惕自念遭遇

聖明不能感發刻勵附日月之末光垂榮施
於無窮可謂上負吾

君下負所學矣爰錄名臣都為一編審其所
值之時所行之事所守之節所建之業
或俊偉光明直行已志或委婉曲折務
達其心之所誠然而後已雖不能與臯

夔伊傳周召等量而齊觀要從此日以
尚友千載高山景行其長人神識志氣
者豈少哉夫求珠者必于淵求玉者必
於山適伯樂之廐者織離綠駟惟駕所
適願覽斯集者各取法于上而設身處
地叅觀效法以自奮于

堯舜之冊書曰汝翼汝為汝明汝聽詩曰有
馮有翼有孝有德行將旦暮遇之矣

雍正七年己酉歲長至日高安朱軾書



歷代名臣傳序

名臣傳之始於漢何也秦以前左氏史記簡而備矣秦無名臣也削陳平趙普何也羅豫章謂立朝以正直忠厚為本陳趙於四者有歉焉非所以示訓也故削之也苟其心有可原雖濶疎如陳實張浚必錄之苟其心有可議雖事功如

陳趙必削之猶名儒之不列揚雄循吏
之不列趙廣漢也廣漢純用鈎距之術
揚雄為莽大夫故均削之也漢唐以來
人材輩出後先相望畧綜其概雍容
贊有始有終者魏丙第五倫姚宋王旦
李沆韓富也才本王佐學為帝師諸葛
武侯陸宣公范文正司馬文正也身為

開國功臣而遂相之紀綱百度者蕭曹
房杜耶律楚材也抱負經綸鬱不得施
嚮用方殷遽奪之年者賈誼楊綰也頗
見施用功在天壤竟以齟齬不究其材
者裴晉公李忠定也屹如山岳不可動
搖所遭不偶蹇々匪躬王嘉李杜楊震
褚遂良岳忠武也苦心調護輸忠報國

者狄梁公李鄴侯也邵德高年蔚為國
瑞者高允文彥博也盡行所學魚水相
歡貞觀致治幾于三代魏鄭公偉矣蘇
綽王朴雖偏安之臣未可小也安邦戡
亂德盛禮恭郭令公尚矣周勃父子溫
嶠李晟祖述宗澤孟珙察罕帖木兒或
功已成或志未就亦足欽也謀畧蓋世

寵利不居張子房高矣鄧禹曹彬亦可
嘉也抗節不屈則張許段顏文信國余
闕最烈直言不諱則汲黯鮑宣劉蕡陳
瓘胡銓最顯合千數百年巨公碩彥崇
勲峻節彙次成書若聚之於一堂而親
聞其謦欬緒論也若設身處地而親見
其設施張弛溫恭之度剛明英卓之概

也若琳琅羽革絺縞枕茵五色之土三
品之金九江之龜之貢于夏后氏之廷
也若大訓球圖貝鼓兠戈和弓之陳周
家之房序也編次者誰自漢至隋南城
張君百川也唐至後五代漳浦藍君玉
霖也宋至元安溪李君世幽也三君稽
古有得慨慕前脩負經世之志高安公

既定其規模三君纂討之世遠僭加脩飾之高安公又從而潤色之蓋高安公贊襄密勿于

帝廷時聆

疇咨之訓賡明良之歌世遠又簪筆

起居忝在講筵侍從之末四載以來每親聞